



Landjugiprogramm

April – Juni

2021

Corona-Reglä:

- Abstand ihaute
- Regumässig d Häng wäsche oder desinfiziere
- Wär nid fit isch chunnt nid a Ahlass
- Dir wärdet loufend über Whats App informiert, wens News git
- Immer schön sexy und flexibu blibe 😊



Truurmarsch, Fritig 16. Apriu

Mir wei üsere heiss giebte Utzige-Chiubi mit emene Truurmarsch aui Ehre erwiise. D Landjugi organisiert Bier.

Mir wüsse, Alkohol isch ke Lösig, aber lieber ir Gruppe weder allei Daheii.

Träffpunkt isch am 17.30 bim Clubrum. Ahmäude bis am Abe vorhär bir Sonja.

Mit em Würfu d Schwiz entdecke, Sunnti 25. Apriu

Mir wei mit em Zug zäme chli dür d Schwiz ga reise, drbii entscheidet dr Würfu di verschidnige Usflugstatione. D Landjugi organisiert Snacks & Getränk, für z Zugbillie luegt grad jedä säuber.

Träffpunkt isch am 9.30 Uhr z Boll am Bahnhof.

Ahmäude bis am Mittwoch, 21. Apriu bir Leo.



The Corona War, 1. - 24. Mai

Du bisch e riise Fän vo „The Hunger Games“, „Shooter“, oder „Catch Me“. Hesch du aus Ching oder im Militär z Chriegerle am meischte gliebt? De isch dr Mai dini Zyt! Am beschte geisch scho iz gane Nerfgun Pistole ga choufe, dasde für e Kampf um dis Läbe bereit bisch. Aui Infos zude Spiureglä erfahrsch nach dr Ahmäudig.

Ahmäude bis am Sunnti, 25. Apriu bir Nina.



Landjugi slowUp, Sunnti 16. Mai

Mir wei umeis chli gmüetläch ga spörtlä. Egau ob mit Velo, Tandem, Inline Skates, Trotti oder Bobby-Car... hauptsach es het Redli dranne u ke Motor, mache mir e Tour amene See. Vergiss de dis Picknick u d Fläsche Wii nid!

Träffpunkt isch am 9.30 bim Clubrum. Ahmäude bis am Mittwoch, 12. Mai bir Sonja.

Spilinami, Sunnti 30. Mai

Wieder mau luege wär dr schneuscht isch im Ligretto, dr gemeinscht im Brändidog oder die meischte Trümpf bim Jasse im Sack het.

Träffpunt isch am 14.00 bim Clubrum. Ahmäude bis am Abe vorhär bir Nina.

Glaceplausch, Donnschtig 10. Juni

Mir wei ine Gelateria ga luege wär meh Glacechuglene uf einisch i sis Muh ine bringt. Bisch ou derbii?

Träffpunkt isch am 19.00 bim Clubrum.

Ahmäude bis am Donnschtig, 3. Juni bim Ändu.




Minigöifle, Mänti 21. Juni

Chunsch mit cho luege, wär z Burgdorf am beschte d Löcher trifft?

Träffpunkt isch am 19.00 im Boll.

Ahmäude bis am Mäntig, 14. Juni bim Fäbu.



Bsuech uf dr Aup bim HP, Sunnti 27. Juni

Mir müesse ga luege ob üse Lieblings Kleptomane die Aup no
nid Hei züglet het! Vergiss de dis Picknick u d Fläsche Wii
nid!

Träffpunkt isch am 9.30 bim Clubrum.

Ahmäude bis am Donnschtig, 24. Juni bim Sven.

Vorschou

- Pop-up-Bar 01.- 24.07.2021 immer Donschtig - Samschti
- Schweizerischer Landjugend Wettbewerb 13. - 15.08.2021
- Ferien 26. - 29.08.2021
- Landjugi-Theater 08./09./15./16.10.2021

Kontakt

Sonja : 079 327 29 25

Tina : 078 964 03 98

Leo : 078 917 84 30

Nina : 079 920 60 81

Sven : 079 105 73 57

Ändu : 077 459 99 18

Fäbu : 078 639 50 44